

中國方志叢書·華北地方·第四四八號

據

清·倪明進修，栗郢纂
清道光四年刊本

影印

河南省

泌陽縣志

(一)

成文出版社有限公司印行

重修泌陽縣志序

邑之有志猶國之有史也志與史相爲表裏體裁大小不同而義例則一故作史有三難作志亦如之今昔殊時人事遷變考據之難一採訪難周蒐羅未廣徵之非其人傳之不得其真核實之難二宜詳而畧宜畧而詳一人而傳聞異辭一事而意見各出纂定之難三然此猶其後焉者也地方官撫掌簿書日逐逐無餘閒視此事爲無關緊要卽有意修輯勢不能不延知名之士分任其事求之遠方則人與地不相習既課虛叩寂之

徒勞求之本籍則親與舊或相蒙又顛是倒非之不免
甚至因仍簡陋傳笑四方昔毛西河謂天下不可信者
三志書其一誠有慨乎其言之也洎爲中州僻邑宋元
以前寥寥罕紀至勝國而文物聲名彬彬稱極盛焉惜
鼎革之餘書缺有間我

朝康熙年間

勅直省郡縣志送史局備纂一統全書三十四年乙亥
前令莫公國芳奉大中丞檄始修之迨五十三年甲午
前令程公儀千復奉郡伯檄續修今舊志是也顧自康

熙甲午迄於今又百有餘年矣其間變遷沿革時異勢殊籍賦有增減建制有興廢學校有隆替人物有盛衰與夫風俗好尚之丕變者幾何嘉言懿行之可紀者幾何苟不及今補輯將日就湮沒後之人尋墜緒之茫茫其孰從而徵之而孰從而信之道光五年乙酉春余蒞蒞任檢閱舊志求莫志已不可得程志僅有四卷缺畧頗多體裁亦不甚合因思志書紀載政體所關余雖荒陋豈可畏其難而闕焉弗講耶承乏以來幸比歲豐稔民氣恬熙如義學魁星閣普濟堂以及官廨橋梁之類


凡有修舉皆已次第就理爰集邑紳士而告之曰彰往
昭來官斯土者之責也徵文考獻生斯土者之責也人
事三十年一變元百年乎邑志之宜修也亟矣諸君獨
無意歟歟日唯命適前司訓河內栗君稼軒有遊泌之
信君爲余選拔先後同諧品行端方學問博雅曾
河內志卓有可觀且秉泌鐸將二十年其於泌之風
人情典章名物靡不洞悉於曾余聞之喜勸助之有人
前所謂難者今竟無慮是也於是訂疑來泌共相討論
開局纂修其體裁大變程志之舊一依史家爲叙次凡

舊志所缺者補之譌者正之百餘年之間山川人物因
革損益發見於戊子二月二十月而
脫稿爲卷十有二爲目十有七較程志增十之七八雖
其中舛舛誤均所難免而與栗君往返商榷點說傳
箋當公冗倥偬之際挑燈揮汗意匠經營亦良苦矣夫
前事不忘後事之師也我

國家重熙累洽久道化成史治蒸蒸遠軼前古宰一邑
當知一邑之事而事所由知以志爲據必歷歷如指
諸掌斯在在可會於心觀沿革建置則思區分經畫何

以鞏固苞桑觀疆域山川則思扼險提封何以綢繆夫
而觀設學校選舉人物則思富教兼施何以使民厚
生而正德觀祠廟并異風俗物產則思神人胥格何以
使民康樂而安平觀職官宦蹟則思績著循良何以無
愆尸素觀古蹟藝文則思言垂金石何以不朽芳馨余
待罪於斯瞬逾三載自愧碌碌未有善政善教以大爲
措施而民間之利病無不刻係於懷今成是書亦藉以
鏡得失昭勸懲庶乎張弛興革有所持循勤求治理可
告無罪耳若謂妄操鉛槧矜著述以備一方之掌故則

風塵俗吏又安敢出此哉時道光八年歲次戊子小陽
月知泌陽縣事嶺南倪明進序



泌陽縣志舊序

邑之有志與史相爲表裏者也而志有更難於史者蓋
史之修必聖天子網羅於上賢宰輔贊襄於下集四海
九州山林隱逸才宿博治之士共事鉛槧且其事又經
異代之後其爲是非得失論定久矣去取筆削於其間
從容論斷以定之故史一出而萬世可以昭信焉至於
志則事不過數十年跡不出里巷間所見異所聞復異
或至有其事而不必傳傳其事而未必有掄揚失之太
過核實疑于非真聽衆論之悠悠奚以徵信任獨見之

渺渺又易滋偽若夫先事或多淹沒而臨時不及採擇
以至言焉而不文難辭固陋實焉而無徵多所闕畧蓋
責難矣芳承乏沁邑已及十載日惟窮黎喚咻之不暇
念念邑乘之載輒歎有志未逮會

今上勅行天下大修一統志而九中丞顧公秉鉞天中爰
體

聖天子維持世道振興風化美意檄行郡縣俾各廣其蒐
羅嚴其紀載以備輶軒之擇蓋誠欲上襄盛治下礪淳
俗以示一代之鉅典萬世之信編甚盛舉也芳雖弁鄙

敢不從事於是執舊志凡例進邑士大夫而問之曰邑
之沿革得毋考核有未至乎其必詳必確無滋荒謬也
天文疆域得毋有遙度臆說者乎其必典必核根柢有
也池隍壇壝學舍祠宇其建置興廢得毋有未備名
山巨川阨塞關梁其形勢險要 未瞭 掌古蹟
得毋未盡彰風俗奢儉得毋未 上陳土地之肥瘠幾
何賦役之增減幾何山林園廬之冬夏水利川防之通
塞蓋雖市課之損益其爲利爲害若 其毋纖悉未備
本末或舛也職官之循良其勞心撫綏者何人其毋淹

沒而名不彰也聖賢師儒之嘉言懿行其流傳于後者
果人皆可考名臣科第忠孝節烈之遺跡其表表猶存
者果事皆有據其毋實與名違貽譏後世也至于流寓
隱士各從其類方技文藝悉載千篇祥瑞務紀其實災
祲亦錄其異其必刪浮飾冗簡約該博庶無負

聖天子明備至治與大中丞纂修雅意也邑士大夫咸趨
而前日休哉敬聞命矣爰是設局延賢偕高子而煒吳
子極焦子湛陳
俞等鍵戶商確廣博搜事
紀其實僞弗
以靡弗侈也句櫛字比刪繁

補闕越數月告竣乃作而言曰嗟乎泌一彈丸邑耳其地不及大郡縣十之一而又多山號爲石田宰斯土者雖有宏才碩畫方日事催科且弗能償况以俗吏爲之敢云政和民暇從事纂修可備文獻哉顧有其舉之莫敢廢也有其紀之莫敢畧也雖一方一邑之事不足當太史之採而閱斯編者益瞭然于泌之偏僻爲不足比數焉將愛而恤之撫而字之則泌民且益返於淳矣以此爲葑菲之獻也亦何不可乎

崑

康熙三十四年歲次乙亥春壬正月穀旦知沁陽縣事
莫國芳拜撰

舊序

嘗讀漢書地理志其間形勢之險易戶口之盈虛風俗之正淫事蹟之沿革莫不較如指掌豈第以廣見聞凡欲爲政者因俗制宜以馴至於時和物阜也我

上御極五十三年深仁厚澤淪肌浹髓遐陬僻壤舉欣欣樂大化之成其爲生齒日以繁氣象日以新者不勝紀也而郡邑之誌因循故舊率多缺而未及載南陽府志切然念之乃據紳士之請上其議於

大中丞公公允其請檄下郡縣凡舊志有未脩者皆增